

文淵樓叢書

校漢書八表

第九冊

前漢書表第七下

當塗蹇安

百官公卿表上下

衛尉

中大夫令

按表上言衛尉秦官掌宮門衛屯兵有丞景帝初更名中大夫令後元年復爲衛尉師古曰漢舊儀云衛尉寺在宮內今謂郎中令府及衛尉寺皆在宮內高后崩太尉勃擊諸呂朱虛侯入未央宮逐呂產殺之郎中府吏廁中蓋二官皆掌宮殿門戶故府寺俱在宮內也未央長樂建章甘泉皆有衛尉

高帝六年

將軍酈商
爲衛尉

按酈商傳商定代地還呂將軍將太上皇衛史記商傳云還以將軍爲太上

皇衛文義更顯攷平代在高帝五年尊太公爲太上皇在六年是以

將軍爲衛尉始此傳言爲衛一歲十月擊陳豨此据九年未央宮成言之陳豨之反在十年十月

十一年

衛尉王氏

按王氏無攷疑王姓氏其名也

孝景中六

年

中大夫令直不疑更爲衛尉

按改廷尉奉常等官俱在是年而表上言中大夫令更名在

景帝初是年直不疑爲中大夫令而表言更爲衛尉蓋連後
元年之復竝記之也惟證之不疑傳不疑文帝時爲郎稍遷
至中大夫景帝後元元年拜爲御史大夫據此表則傳中脫
令字表系不疑爲主爵都尉于中五年六年遷中大夫令此
可以補本傳之缺且刊其誤也表于後元年書衛尉直不疑
爲御史大夫是復衛尉卽在中元之末後元之初明矣

又按不疑歷官若如本傳曾遷中大夫則當自中大夫遷主
爵都尉自主爵都尉遷中大夫令蓋郎及中大夫皆郎中令
之屬而主爵都尉則九卿之列秩皆二千石而中大夫令又
在其上此遷擢之次第也然則本傳非脫則闕明矣

孝武元光

元年

隴西太守
李廣爲衛尉

按廣傳言廣爲隴西北地雁門雲中太守武帝卽位左右言
廣名將也由是入爲未央衛尉而程不識時亦爲長樂衛尉
俱以邊太守將屯及出擊胡證之本紀是年衛尉李廣爲驍
騎將軍屯雲中中尉程不識爲車騎將軍屯雁門据傳則程
不識亦爲衛尉表不具是本紀作中尉似也然表于中尉行
中亦無程不識名

再檢灌夫傳田蚡謂夫曰程李俱東西衛尉孟康曰廣東宮程西宮据此表漏脫也

六年

中尉韓安
國爲衛尉

二年爲將
軍

按安國傳安國遺五百金于田蚡蚡言于太后上亦素聞安國賢召目爲北地都尉遷大司農建元六年蚡爲丞相安國爲御史大夫元光五年丞相蚡薨安國行丞相事引墮車蹇上欲相安國使使視蹇甚乃更召平棘侯薛澤爲丞相安國病免數月瘡復爲中尉歲餘徙爲衛尉故此表於中尉行中書故御史大夫韓安國爲中尉一年遷卽六年爲衛尉事也

元鼎五年

衛尉路博德

按博德傳博德以衛尉爲伏波將軍擊南越南越之反卽在五年傳與表合惟殿本博下脫德字毛本有

征和三年

邢侯李壽
爲衛尉坐
居守檀出
長安界使
吏殺人下
獄死

按功臣表邢侯李壽師古曰邢音于表作邢誤是年李廣利
降匈奴壽檀出長安界送廣利又使吏謀殺方士竝見功臣

表中

孝昭始元

元年

衛尉天水
王莽稚叔
三年遷

按王莽爲衛尉見霍光傳三年遷右將軍竝見始元四年列將軍行中言爲右將軍衛尉則是以衛尉并將軍也稚叔莽字

三年

衛尉并將軍

按卽范明友也是年中郎將范明友爲度遼將軍衛尉表于上行書之故于衛尉行中但書衛尉并將軍不言范明友亦承上省文之例與前之張安世後之蕭望之書法同蓋衛尉兼將軍爪牙之任也明友爲將軍十二年爲宣帝地節三年霍氏謀泄明友爲霍光女婿遂遷光祿勳不兼將軍語見光傳

孝宣神爵

二年

衛尉忠

按以時事攷之忠疑卽董忠也忠以期門受張章言霍禹謀反告左曹楊惲侯見功臣表中惲以左曹遷中郎將神爵元年爲諸吏光祿勳故忠亦以二年遷衛尉也

四年

河內太守
韋元成爲
衛尉三年
遷

按河內太守元成傳作河南太守傳言元成受爵後宣帝高其節以爲河南太守數歲徵爲未央衛尉卽神爵四年事也

五鳳二年

衛尉弘

按以時事攷之弘疑卽韋元成之兄也弘有罪不得嗣元成讓爵久乃受襲時兩賢之元成初爲大河都尉襲爵後遷河南太守弘亦以太山都尉遷東海太守數歲徵元成爲衛尉是年又遷太常似代爲衛尉者卽其兄也

孝成陽朔

元年

侍中水衡都尉金敞爲衛尉四年卒

按敞爲金安上子見安上傳傳言敞病甚上拜其子涉爲侍

中使待幸綠車載送衛尉舍是徹終于衛尉也

鴻嘉元年

陽平侯王
襄爲衛尉
五年徙

按襄爲王鳳之子陽朔三年嗣見外戚表

綏和元年

成陽侯趙
訢君偉爲
衛尉

按訢爲趙臨子元延二年嗣見外戚表

二年

太子中庶
子傳喜稚

游爲衛尉
二月遷

按傅喜傳成帝立太子選喜爲太子庶子哀帝初卽位呂喜
爲衛尉遷右將軍是時王莽爲大司馬乞骸骨避帝外家上
旣聽莽退眾望歸喜喜獨執謙稱疾又以諫忤傅太后太后
不欲令喜輔政上于是用左將軍師丹代王莽爲大司馬賜
喜黃金百斤上將軍印綬以光祿大夫養病据此則喜遷衛
尉及右將軍皆在哀帝卽位之後卽位在四月當爲閏三月辨見前而
莽及喜之免俱在七月此表于大司馬行中系莽免于十一
月已誤溫公攷異辨之詳前而將軍行中列喜爲右將軍十一月賜金
罷若以爲喜任將軍之十一月則不合若以爲綏和二年十
一月則似與莽同月免而莽之免實係七月据傳帝以莽免

欲用喜爲大司馬喜稱疾賜金聽罷乃以師丹爲大司馬是
莽及喜之免師丹之代皆在七月證以恩澤表丹以大司馬
侯在是年七月庚午則此表上文作十一月者蓋七字分書
之誤也此表喜爲衛尉無月分以傳中哀帝初卽位之語攷
之喜當以四月爲衛尉二月而遷必在七月以前而將軍行
中十一月賜金罷之語與莽免丹代之月分皆誤也竝詳前
列將軍表中

衛尉王能
爲侍中光
祿勳二年
貶弘農太
守

按此卽衛尉行中之王龔也龔爲衛尉二月遷光祿勳同在

一年故上下行竝及之龔見儒林房鳳傳與此表合蓋傳寫漏共又誤龍爲能也

右衛尉

太僕

按表上言太僕秦官應劭曰周穆王所置也按劭語似糾正班表謂太僕不始于秦也齊召南言周禮夏官有太僕下大夫二人是太僕自周以來有之亦非穆王始置也

高帝元年

滕令夏侯嬰爲太僕

按高祖初爲沛公以嬰爲太僕常奉車見本傳及功臣表傳言沛公至霸上爲漢王賜嬰爵列侯復爲太僕從入蜀漢還

定三秦卽元年事也嬰以太僕事高惠高后文帝終于是官
故此表于孝文八年特書太僕嬰薨

六年

汲侯公上不害爲太僕

按公上不害爲太僕竝見功臣表亦云高祖六年

孝景五年

姚丘侯劉舍爲太僕

按師古言侯表及諸傳皆云桃侯獨此爲姚丘疑誤也

孝武建元

年

淮南太守
灌夫爲太
僕二年爲
燕相

按灌夫傳作淮陽太守地理志淮陽國

六年

太僕賀三
十三年

按三十三年下脫遷字賀自太僕爲丞相在太初二年上推
建元六年正三十三年遷也

後二年

太僕并左
將軍

按此謂上官桀也表于是年列將軍行中書太僕上官桀爲
左將軍故又于下文太僕行中書太僕并左將軍不書其名

卽承上省文之例非闕文之比也

孝宣甘露

三年

博陽侯丙

顯爲太僕

一年爲建

章衛尉

四年

程侯金賞

爲侍中太

僕七年遷

孝元永光

元年

故建章衛

尉丙顯爲